



# Lazournen konstitisyon: selebrasyon en viktwar

**L**e 18 Zen i Lazournen nou konstitisyon. I en zour kot tou Seselwa i santi zot fyer. I osi en moman bokou refleksyon kot i nesese rapel Seselwa, sirtou nou bann zenn, soufrans ki en zenerasyon in sibir pour nou pei kapab zour sa laliberte ki garanti anba nou konstitisyon ozordi.

Koman en pep, nou bezwen rekonnèt sakrifis ki bokou zanfàn Sesel in fer pou redonn Seselwa zot laliberte. Bokou in menm perdi lavi e lalit ki bokou in anmennen pour fer sir ki en sistenm politik milti parti i retournen pa devret zanmen ganny oubliye. Zot sakrifis pa ti an ven. Dan sa mwan Zen kot nou selebre pa zis nou lazournen konstitisyon me osi nou lendepandans, sakenn de nou bezwen fer en langazman pour mentenir nou lendepandans politik e reste determinen pou pa selman viv nou konstitisyon me osi protez li a tou pri.

Lider US in deklar nou konstitisyon



koman 'mirwar nou lalit e nou laspirasyon koman en pep'. I annan parfetman rezon me i osi bezwen eksplike lekel ki ti anmenn sa lalit pour sa nouvo konstitisyon. Sertenman pa son klik! Apre tou,

lazournen nou lendepandans ti'n ganny ranplase par 'Lazournen Zonm Lib'. Adopsyon nou konstitisyon in garanti ki Sesel, pour premye fwa, in elekte en prezidan atraver bwat vote par en prosesis transparan an Oktob lannen pase.

## Lekel ki vreman annan disan Seselwa lo zot konsyans?



*Eski sa en lekip ki ti protez lavi ?*

**P**andemi Kovid-19 i reste en fleo mondyal. Gouvernman atraver lemn, enkli dan bann pei pli ris e pli devlope, i trouv zot dan en sitiasyon kot zot nepli kapab depan

lo okenn planifikasyon. En logmantasyon dan to lenfeksyon i sanz tou keksoz dan en sel zour e avek bann diferan varyan ki kontinyelman devlope, lemn i reste dan gran lensertitid. Sel konsolasyon pour tou pei i reste vaksinasyon zot bann sitwayen e ranforsisman bann mezir saniter. Lemonn antye i konnen ki vaksen pa geri Kovid-19. I senpleman ofer proteksyon kont maladi sever enn fwa en endividi i ganny enfekte par Kovid-19. Kominote

syantifik pa ankor dekouver okenn mwayen ki geri Kovid-19.

Antretan, diskisyon i kontinyen lo efikasite bann diferan vaksen me lotorite medikal atraver lemn i reste konvenki ki pour le moman meyer opsyon se fer sir ki otan dimoun posib i ganny vaksinen. Isi Sesel nou vreman sanse. Nou governman in garanti ki lamazorite son sitwayen in ganny vaksinen; napa nanryen governman i kapab fer pour bann ki pa oule pran vaksen. Napa lalwa forse dan sa pei. Sa ki malere se lefe ki i annan vaksen ki'n ekspire akoz serten sitwayen in deside pa pran. Sa i malere prenan kont ki lamazorite dimoun dan lezot pei napa akse avek vaksen menm si zot anvi ganny vak- (kontinyasyon lo paz 2)

## Lekel ki vremen ...

**THE PEOPLE**  
est. 1964

FEARLESS IN DIGNITY

18 June 2021 | Vol. 1 | No. 18

**Blood on their hands:  
Seychelles surpasses 50 COVID-19  
DEATHS, people blame  
Ramkalawan's administration for  
preventable loss of life**

sinen.

Enn bann rezon aköz serten sektor lakominote pa pe pran vaksen se konfizyon kree dan zot lespri par bann dirizan politik dan lopozişyon. Napa kestyon enbesil ki zot pa'n demande ki'n kree dout dan lespri bokou dimoun. Tandis ki bann fo profet in taye e pran zot vaksen, bokou Seselwa in malerezman tonm dan pyez e ozordi napa okenn protekşyon. Bokou in malerezman fini perdi zot lavi. Antretan ki gouvnerman Sesel in kontinyelman fer gran zefor pour ganny plis vaksen pou kapab ofer protekşyon tou son sitwayen ki oule pran vaksen, pour kontinyelman annan fatalite osi lontan ki serten dimoun i viv en lavi an bonnavini san pran bann protekşyon nesesser. Sitwayen avek bann komplikasyon medikal serye pou kontinyelman ganny afekte e dan bann ka ekstrenm, perdi lavi. Alafan dizour, propagasyon sa viris i depan antyerman lo sakenn de nou.

Sa ki sokan se sa politik iresponsab anmennen par lopozişyon. Dan en moman kot lemondn antye pe rod en balans ant sov lavi e mentenir bann servis ki donn lavi, Sesel nou annan en lopozişyon ki oule pous gouvnerman dan en presipis. Zot oule gouvnerman i ferm pei me zot pa dir mannyer Seselwa pour ganny manze pour met dan zot vant. Letan lemondn antye pe felisit Sesel pour son program vakşinasyon e pe esey konpran aköz zot lenfekşyon i ogmante dan plizyer pei malgre en kanpany vakşinasyon entansif, lopozişyon i oule en

lenvestigasyon lo lafason ki gouvnerman in antreprann sa pandemi. Pli sokan ankor se sa politik dimoun mor.

Napa keksoz pli degoutan ki fer politik lo soufrans lezot. Letan tou Seselwa pe senpatiz avek fanmir bann ki perdi lavi, lopozişyon pe blanm gouvnerman pour sak lanmor. Sa ki pli tris ankor se lefe ki zot in ganny lodas deklare ki bann dirizan dan gouvnerman i annan disan lo zot lanmen. Bann profesyonnel lasante avek sipor gouvnerman pe fer tou sa ki zot kapab pour sov lavi. Blanm lanmor okenn endividi lo en gouvnerman ki fer tou pou protez lavi i en akt malsen sirtou pou en parti politik ki son bann dirizan in asasin plizyer son bann sitwayen zis pour zot kapab mantennir pouwar. Konm kreol: 'manz ou bannan e anvoy lapo lo mwan'.

## Sanzman pa toultan fasil

Seselwa ti vot pour en sanzman an Oktob lannen pase. Evidaman zot ekspekete keksoz sanze. Sakenn i annan son lopinyon lo kwa ki devret sanze e mannyer sanzman i devret arive. Par kont, pou vre sanzman arive, i nesesser annan en sanzman dan mantalite osi. Si nou oule plis larzan, nou bezwen travay plis. Si etidyan i oule meyer rezilta alafan trimes, i bezwen met plis zefor dan letid. I osi senp ki sa. San zefor anver sanzman ki nou oule, pour napa sanzman ki pou posib. I senp. Pour sanze, fodre nou sanz nou fason fer.

Nou osi bezwen realize ki i annan en group konsiderab ki pa oule sanzman. Zot oule keksoz kontinyen parey ti ete oparavan. Zot fristre aköz zot in perdi serten privelez ki zot ti annan. Zot menm dir ki zot santi zot dan en lento. Nou kapab konpran zot fristrasyon. Nou pa pran zot traka me nou fikse lo lavenir e

sanzman pozitif.

Sepandan, nou bezwen osi realize ki LDS in pran pouwar dan moman pli difisil dan listwar Sesel. Sosyalman e ekonomikman, sitiasyon pa fasil ditou me avek perseverans tou i posib. Bann adverser politik i kont sanzman e zot pou kontinyen servi bann difikilte ki nou pe pas ladan pou fer propagann kont tou program gouvnerman. Nou sitiasyon ekonomik ou sosyal pa devret vin en distrakşyon dan nou demars pou kree en sosyete pli zis e ekitab.

Napa ki zot pa pou dir. Zot in komans esey senm lafreyer vizavi program IMF ki ankor anba diskisyon. Annou realize pou dir Sesel ti deside antre dan en program avek IMF kan sitiasyon ekonomik mondyal ti bokou meyer ki i ete ozordi e sete pa en gouvnerman LDS ki ti opouwar.

## Politik goute in tonm dan delo



*Napa gasi ki zot pa pou fer pou ganny popilarite*

Politik goute US ti'n pran lelan. I paret ki finalman zot ti krwar ki sa politik kot zot profit lo lafebles bann zanfan Seselwa ti pe anmenn zot enn pti profi politik. Ti'n sitan gou ki Lider Lopozişyon ti deside anmenn sa size dan Lasanble Nasyonal. I ti krwar ti pou son gran viktwar me i ti'n mal bat son kales. Konmdir kreol, boul retour ti fermal.

Minis pour ledikasyon ti profi sa lokazyon pour vremen edik zot lo savwar-viv e savwar-fer kreol. I ti vremen en laont pour ganny remontranse an piblik vizavi valer byen-viv kreol. Minis i fer zot byen mazin neseseite pour respe dignite nou zanfan e pou pa servi febles nou zanfan pour gen politik ; i vilenn. Nou ti panse ki apre sa remontrans piblik, US ti ava fou en lape e

swiv legzanp bann ki pe donn goute me deside reste anonim. Me non. Zot ankor pe mansipe.

Zot krwar i toutafe normal pour zot met 'sticker' lo tou bwat goute ki zot donn zanfan lekol. Zot pe menm ensiste ki tou lorganizasyon i met 'sticker' lo zot prodwi. Kestyon ki nou demann nou lekor: eski US i dan prodikşyon dyous ek gato? Eski zot annan en laysens pour sa?

Lefe i reste ki gouvnerman LDS i garanti goute pour tou zanfan ki dan bezwen. Gouvnerman i osi rekonesan anver sitwayen ti kontribye anver byennet nou zanfan me gouvnerman pa pour zanmen toler dignite zanfan Seselwa ganny abese par person. Apre tou, i annan regilasyon an plas ki protez nou bann zanfan kont sa bann kalite labi emosyonnel.